

佛说伏淫经

唐三藏法师义净 译



南無本師釋迦牟尼佛


说明

本简体校正版《佛说伏淫经》电子书，根据《乾隆大藏经》小乘阿含部，第 0568 部，西晋沙门法炬译《佛说伏淫经》原藏影印本校正。句读仅作参考。

本电子书是免费结缘品。特此说明。

仁慧草堂

二〇一九年一月



扫码关注仁慧草堂微信公众号

● 起诵仪

香赞

(一遍)

炉香乍爇. 法界蒙薰. 诸佛海会悉遥闻. 随处
结祥云. 诚意方殷. 诸佛现全身.

南無香云盖菩萨摩诃萨 (合掌三称)

净口业真言

(三遍)

唵. 修唎修唎. 摩诃修唎. 修修唎. 萨婆诃.

净三业真言

(三遍)

唵. 娑嚩. 娑嚩秫驮. 娑嚩达摩娑嚩. 娑嚩秫度憾.

安土地真言

(三遍)

南無三满哆. 母驮喃. 唵度噜度噜. 地尾. 娑婆诃.

普供养真言

(三遍)

唵. 誝誝曩. 三婆嚩. 鞞日啰斛.

南无本师释迦牟尼佛 (合掌三称)

开经偈

(一遍)

无上甚深微妙法 百千万劫难遭遇
我今见闻得受持 愿解如来真实义

佛说伏淫经

西晋沙门法炬译

闻如是：

一时，婆伽¹婆在舍卫城。祇树。给孤独园。

彼时，居士阿那邠祁至世尊所，到已礼世尊足，却住一面。阿那邠祁居士却住一面已，白世尊曰：“唯，世尊！世间有几伏淫而可知者？”

“汝居士，世间有十伏淫。云何为十？此居士，或一伏淫，非法行淫干彼，非法求淫干^{无所方便为苦}已，亦不自安身，亦不安父母及妻子、客使奴婢、沙门、婆罗门，不有益事。为善得善，得生天上。如是，居士，是一伏淫。

“复次，居士，或一伏淫，非法求淫干²，非法求淫干已，自安身、父母妻子、客使奴婢，而不施沙门、婆罗门。为善得善，身生善处。如是，居士，是一伏淫。

“复次，居士，或一伏淫，非法求干³，非法求干已，自安隐身、父母妻子、客使奴婢，能施沙门、婆罗门。为善得善，身生善处。如是，

¹ 大正藏：加

² 大正藏：干彼；永乐北藏及龙藏：干

³ 大正藏：干彼；永乐北藏及龙藏：干

居士，是一伏淫。

“复次，居士，或一伏淫，如法求财，彼如法求财已，不自安乐身，不为父母、不为妻子、不为奴婢，亦不施沙门、婆罗门。为善得善，身生善处。如是，居士，是一伏淫。

“复次，居士，或一伏淫，如法求财，彼如法求财已，而自安乐身及父母、妻子、奴婢，不施与沙门、婆罗门。为善得善，身生善处。如是，居士，是一伏淫。

“复次，居士，或一伏淫，如法求财，彼如法求财已，而自安乐身及父母、妻子、奴婢，施与沙门、婆罗门。为善得善，身生善处。如是，居士，是一伏淫。

“复次，居士，或一伏淫，如法求财不干彼，如法求财不干已⁴，亦不自安乐身，亦不施⁵父母、妻子、奴婢，亦不施与沙门、婆罗门。为善得善，身生善处。如是，居士，是一伏淫。

“复次，居士，或一伏淫，如法求财不干彼，如法求财不干已，自得安乐身及父母、妻子、奴婢，亦不施与沙门、婆罗门。为善得善，身生善

⁴ 大正藏：不干已；永乐北藏及龙藏：已不干；校勘：不干已

⁵ 大正藏：为

处。如是，居士，是一伏淫⁶。

“复次，居士，或一伏淫，如法求财不干彼，如法求财不干已，自得安乐身及父母、妻子、奴婢，不施沙门、婆罗门。为善得善，身生善处。如是，居士，是一伏淫。

“复次，居士，或一伏淫，如法求财不干彼，如法求财不干已，自得安乐身及父母、妻子、奴婢，施与沙门、婆罗门。为善得善，身生善处。彼得钱财，于中染着、极染着，不见祸变，亦不知弃，而贪食之。如是，居士，是一伏淫。

“复次，居士，或一伏淫，如法求钱财不干彼，如法求钱财不干已，自得安隐身及父母、妻子、奴婢，施与沙门、婆罗门。为善得善，身生善处。彼得钱财，亦不染亦不着，亦不于中乐，亦不于中住，亦知是祸变，亦能弃舍而食之。如是，居士，是一伏淫。

“此居士，彼或一伏淫，非法求钱财干彼，非法求钱财干已，亦不自安隐身，亦不安隐父母、妻子奴婢，亦不施与沙门、婆罗门。为善得善，身生善处。是为，居士，如是伏淫伏淫，我说此

⁶ 此段经文大正藏无，但永乐北藏及龙藏中有，且与下段经文内容同，经文中开示“十伏淫”，而后展开的是“十一伏淫”，疑是制版重复错误。

弊恶。

“此居士，或一伏淫，非法求钱财干彼，非法求钱财干已，自安隐身及父母、妻子、奴婢，不施与沙门、婆罗门。为善得善，身生善处。此居士，此伏淫此伏淫，此小胜小胜。

“此居士，彼或一伏淫，如法求钱财不干彼，如法求钱财不干已，自得安乐身及父母、妻子、奴婢，施与沙门、婆罗门。为善得善，身生善处。彼得钱财，不染不着，不持不乐，知⁷是祸变、弃舍离而食之。如是，居士，食淫最胜、最妙、最上、最好、无上胜。犹若，居士，有牛乳，因乳有酪，因酪有醍醐，因醍醐有酥，因酥有酪⁸，此是最胜、最上⁹妙、无上说。如是，居士，此诸伏淫如是伏淫，最胜、最妙、极妙最上、无上无上。说颂偈曰：

非法聚钱财	如法如法施
不施不食之	亦不施为福
二俱为悭浊	恶行食此淫
如法求钱财	欲以施为福
亦施及食之	亦能作福德

⁷ 大正藏：知；永乐北藏及龙藏：如；校勘：知

⁸ 大正藏：酪酥

⁹ 大正藏：最；永乐北藏及龙藏：最上

二俱不慳浊 皆有此伏淫
有能行智慧 伏淫随所行
知变有知足 知足而食之
有能行智慧 最妙能伏淫

佛如是说。居士阿那邠祁闻世尊所说，欢喜而乐。

佛说伏淫经

● 结诵仪

补阙真言

(三遍)

南無喝啰怛那. 哆罗夜耶. 佉啰佉啰. 俱住俱住. 摩啰摩啰. 虎啰. 吽. 贺贺. 苏怛拿. 吽. 泼抹拿. 娑婆诃.

补阙圆满真言

(三遍)

唵. 呼嚧呼嚧. 社曳穆契. 莎诃.

普回向真言

(三遍)

唵. 娑麼嚩. 娑麼嚩. 弭麼曩. 萨嚩訶. 摩訶斫
迦嚩嚩吽.

南無佛 南無法 南無僧 (合掌三称)

南無本师释迦牟尼佛 (合掌三称)

南無观世音菩萨摩訶萨 (合掌三称)

南無护法诸天菩萨 (合掌三称)

礼佛发愿文

(一遍)

归命十方调御师 演扬清净微妙法

三乘四果解脱僧 愿赐慈悲哀摄受

但(某甲)自违真性，枉入迷流。随生死以飘
沉，逐色声而贪染。十缠十使，积成有漏之因；
六根六尘，妄作无边之罪。迷沦苦海，深溺邪途。
著我耽人，举枉措直。累生业障，一切愆尤。仰
三宝以慈悲，沥一心而忏悔。

所愿能仁拯拔，善友提携。出烦恼之深源，

到菩提之彼岸。此世福基命位，各愿昌隆；来生智种灵苗，同希增秀。生逢中国，长遇明师。正信出家，童真入道。六根通利，三业纯和。不染世缘，常修梵行。执持禁戒，尘业不侵。严护威仪，蝇飞无损。不逢八难，不缺四缘。般若智以现前，菩提心而不退。修习正法，了悟大乘。开六度之行门，越三祇之劫海。建法幢于处处，破疑网于重重。降伏众魔，绍隆三宝。承事十方诸佛，无有疲劳。修学一切法门，悉皆通达。广作福慧，普利尘沙。得六种之神通，圆一生之佛果。然后不舍法界，遍入尘劳。等观音之慈心，行普贤之愿海。他方此界，逐类随形。应现色身，演扬妙法。泥犁苦趣，饿鬼道中，或放大光明，或现诸神变，其有见我相，乃至闻我名，皆发菩提心，永出轮回苦。火镬冰河之地，变作香林；饮铜食铁之徒，化生净土。披毛戴角，负债含怨，尽罢辛酸，咸沾利乐。疾疫世而现为药草，救疗沉痾；饥馑时而化作稻粱，济诸贫馁。但有利益，无不兴崇。次期累世冤亲，现存眷属，出四生之汨没，舍万劫之爱缠。等与含生，齐成佛道。虚空有尽，我愿无穷。情与无情，同圆种智。

回向偈

(一遍)

愿以此功德 普及于一切
我等与众生 皆共成佛道

三皈依

(一遍)

自皈依佛，当愿众生，体解大道，发无上心；
自皈依法，当愿众生，深入经藏，智慧如海；自
皈依僧，当愿众生，统理大众，一切无碍。和南
圣众。

南无护法韦驮尊天菩萨



此咒置经书中可灭误跨之罪